



# **Universitätsbibliothek Paderborn**

**Liber De Prudentia Ivstorvm**

**Juan <de Jesús María>**

**Coloniae Agrippinae, MDCXIV**

Cap. XXI. Hortatur omnes ad verbum Dei audiendum.

[urn:nbn:de:hbz:466:1-46940](#)

ac verbo Vrbis sanctæ ruinas reparare.  
Ego dabo verbū euangelizantibus vir-  
tute multa: vt mirabilia operemini, &  
post multiplicatam gentem, ad seden-  
dum cum principibus terræ viuenti-  
um, victores ascendatis, & fruamini  
dulcissima pace mea.

## CAP. XXI.

*Hortatur omnes ad verbum Dei  
audiendum.*

**A**V DI Israel mandata vitæ:auri-  
bus percipe, vt scias prudentiam.  
Qui habetis corda ferrea, vel lapidea,  
percipite verbum meum, quo emollie-  
mini. Qui habetis corda carnea audite  
sermones meos, & illustrabimini. Bea-  
ti serui illi, quibus dulcescit verbum  
meum, quo nutriuntur, quasi lacte ex-  
presso ex vberibus meis. Erudiam eos  
secreta instructione suauissimi spiri-  
tus mei intus loquentis, & pacem di-  
lectis meis nuntiantis. Non timebunt à  
timore nocturno tenebrarum in-  
teriorum, quia claritas Dei circum-  
fulget

fulgebit illos. Non supplantabuntur  
gressus eorum, quia super omnia vi-  
cit veritas, & firmabitur in illis forti-  
tudo verissimi sermonis mei. Propter  
quod, qui desideratis bonis cælestibus  
abundare, pace intima filiorum Dei  
propria frui, & per vias rectas ad  
patriam paradisi perduci, Verbum  
Dei corporis, & cordis auribus fre-  
quenter audite, & virtuti Dei laten-  
ter operanti cedite. Cauete saeculi va-  
nitatem, quæ opera bona corrumpit.  
Ne patiamini vos humana eloquen-  
tia, vel eruditione, vel nouitate se-  
duci; ut prædicatores talia dicentes  
potius, quæ in idoneos verbi mini-  
stros, & veros seruos meos humanæ  
laudis contemptores audiatis. Quæri-  
te pietatem, & compunctionem: cæ-  
lestia desideria pura intentione re-  
quirite. Verba simplicia, spiritu Dei  
plena, & ad conuertendas animas, ca-  
sto zelo prolata diligite. Intermittite  
negotia temporalia, ut sine sollicitu-  
dine, & euagatione mentis, me per  
meos prædicatores loquentem, corde-

K 4

promi-



promptissimo intelligatis. Aperite si-  
nus omnes animarum vestrarum , vt  
impleantur fortissima , & suauissima  
virtute mea, & fiat in vobis humilibus  
seruis meis, mutatio dexteræ excelsi. Si  
volueritis , & in mansuetudine susce-  
peritis insitum verbum meum , quod  
potest saluare , & ineffabili consola-  
tione implere animas vestrás, conuer-  
tam ego captiuitatem vestram, in cha-  
rissimam libertatem, & luctum in cho-  
ros lætantium, & exultantiū à magni-  
tudine bonitatis, & iucunditate visita-  
tionis meæ. Væ mundo à scandalis: ex-  
cæcatum est enim cor filiorum eius, &  
aures eorum aggrauatæ sunt, vt viden-  
tes non videant , & audientes non in-  
telligat verba vitæ. Certè sicut regna-  
re patior hypocritam propter peccata  
populi: sic indignos prædicatores mū-  
do permitto. Vos ergo filij, qui suppli-  
cium hoc grande timetis, quærите ma-  
gistros dignos , quorum doctrina pas-  
camini, & crescatis in salutem. Egressi-  
mini , & abite post vestigia gregum  
vestrorum , & eos ad salutaria pascua  
ducite, ubi herbæ mortiferæ non pro-  
ueniunt,

ueniunt. Hæc sit pia, & mihi accepta  
exercitatio vestra: cui ego fideliter re-  
spondebo, dulcissimo pastu, & aqua  
limpidissima reficiens animas vestras.

## C A P. X X I I .

*Monet omnes homines, ut frequen-  
ter in Cælestem patriam su-  
spirent.*

TRANSIT labor multitudinis ð  
filij mei, & sine fine manet sua-  
uissima pax vnitatis. Sæpe mutantur, &  
denique auferentur omnia tabernacu-  
la Iacob: sed in æternum stabit mansio  
altissimæ Sion, quæ est habitatio mea,  
& charissima patria vestra. Existimate  
ergo filij, vos peregrinos esse super-  
terram spinas, & tribulos germinan-  
tem: & nullis bonis apparentibus cor-  
vestrum adhærere sinentes, ad patriam  
vestram perenniter suspirate. Terra,  
quam calcatis, inimicorum vestrorum  
regio est, vbi dolor, & gemitus, &  
mors per peccatum regnant. Quid igi-  
tur boni in ea colligere vultis? Nun-  
quid colligunt de spinis vuas, aut de tri-  
bulis ficus? Vinea aliena est, vbi nō va-

K s letis